



Broj: 713/24

Datum: 12.04.2024. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14 i 59/22), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22 i 20/23), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, direktor JP „LOKOM“ d.o.o. Sarajevo **donosi**

## **ODLUKU O IZBORU NAJPOVOLJNIJEG PONUDAČA**

### **Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj: 710/24 od 12.04.2024. godine i Okvirni sporazum za javnu nabavku usluga: Nabavka usluga obaveznog objavljivanja oglasa u službenim glasilima i usluga objave javnih oglasa i drugih akata u dnevnim novinama, **LOT 1: Usluga objave oglasa u službenim glasilima Bosne i Hercegovine, Federacije Bosne i Hercegovine i Kantona Sarajevo**, dodjeljuje se ponuđaču: Javno preduzeće novinsko izdavačka organizacija Službeni list BiH sa sjedištem u Sarajevu u ul. Džemala Bijedića br. 39.

### **Član 2.**

Izabrani ponuđač se oslobađa naknadnog dostavljanja dokaza iz člana 45. stav (2) Zakona o javnim nabavkama obzirom da su iste dostavljene uz ponudu u skladu sa zahtjevima iz tenderske dokumentacije.

### **Član 3.**

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

### **Član 4.**

Protiv ove Odluke dozvoljena je žalba u roku od 5 (pet) dana od dana prijema iste.

## **O b r a z l o ž e n j e**

Postupak za javnu nabavku usluga: Nabavka usluga obaveznog objavljivanja oglasa u službenim glasilima i usluga objave javnih oglasa i drugih akata u dnevnim novinama, putem konkurentskog zahtjeva, pokrenut je Odlukom o pokretanju postupka javne nabavke br. 588/24 od 25.03.2024. godine.

Komisija za javnu nabavku imenovana je Rješenjem broj: 589/24 od 25.03.2024. godine.

U skladu sa članom 14a. Zakona o javnim nabavkama, prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata u vezi sa nabavkom, o čemu je sačinjena pisana zabilješka o svim radnjama i postupcima i uložena u predmet spisa.

Shodno članu 16. Zakona o javnim nabavkama predmetni postupak javne nabavke je podijeljen na lotove prema sličnosti, homogenosti i pripadnosti istoj skupini, odnosno na 2 (dva) lota, na način da se ponuđačima omogućava da dostave ponude za jedan lot ili više lotova li sve lotove, i to: LOT 1 - Usluga objave oglasa u službenim glasilima Bosne i Hercegovine, Federacije Bosne i Hercegovine i



Kantona Sarajevo i LOT 2 – Nabavka usluga objavljivanja javnih oglasa i drugih akata u dnevnim novinama.

Ukupna procijenjena vrijednost javne nabavke iznosi 12.000,00 KM bez PDV-a. Obzirom da nije bilo moguće predvidjeti tačnu ni okvirnu količinu predmetnih usluga, maksimalan iznos koji je predviđen za Okvirni sporazum je u visini procijenjene vrijednosti LOT-ova, odnosno za LOT 1 ukupna procijenjena vrijednost javne nabavke bez PDV-a iznosi do 8.000,00 KM za period trajanja Okvirnog sporazuma. Za ovaj postupak javne nabavke predviđeno je zaključenje Okvirnog sporazuma na period od 1 (jedne) godine.

Obavještenje o nabavci i tenderska dokumentacija su objavljeni na Portalu javnih nabavki dana 26.03.2024. godine u 13:50 sati pod brojem: 269-7-2-28-3-38/24, a sažetak Obavještenja o nabavci objavljen je u „Službenom glasniku BiH“ br. 22/2024 dana: 29.03.2024. godine, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" broj 80/22). Kriterij za dodjelu ugovora je najniža cijena. U postupku je predviđena primjena e-Aukcije.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljenih pitanja vezano za pojašnjenje tenderske dokumentacije.

Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 6 (šest) potencijalnih ponuđača zaključno sa krajnjim datumom za preuzimanje tenderske dokumentacije.

U određenom krajnjem roku za dostavu ponuda (08.04.2024. godine do 10:00h) blagovremeno je dostavljena 1 (jedna) ponuda za LOT 2, i to ponuda ponuđača: Javno preduzeće novinsko izdavačka organizacija Službeni list BiH sa sjedištem u Sarajevu na adresi Džemala Bijedića br. 39, 71000 Sarajevo, BiH, koja je zaprimljena kod ugovornog organa dana 08.04.2024. godine u 09:43 sati pod brojem protokola 286/24.

Zapisnikom o otvaranju ponuda konstatovano je da je ponuda uredno zatvorena, te da je ponuđena cijena, kako slijedi: Javno preduzeće novinsko izdavačka organizacija Službeni list BiH u iznosu od 1.550,73 KM bez PDV-a.

Komisija za provođenje postupka javne nabavke je istog dana 08.04.2024. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova pristupila javnom otvaranju pristigle ponude i sačinila Zapisnik o otvaranju ponuda koji je uz Zapisnik o zaprimanju ponuda isti dan prosljeđen ponuđaču koji je učestvovao u predmetnom postupku javne nabavke u skladu sa tačkom 5.14 predmetne tenderske dokumentacije, koja reguliše način komunikacije između ugovornog organa i ponuđača. Na javnom otvaranju ponuda nije bilo prisutnih.

Nakon javnog otvaranja ponuda Komisija za javne nabavke je pristupila pregledu i ocjeni ponude, te o tome sačinila odgovarajući Zapisnik u kojem je utvrđeno sljedeće: da je blagovremeno zaprimljena 1 (jedna) ponuda u određenom krajnjem roku za LOT 1, i to ponuda ponuđača: Javno preduzeće novinsko izdavačka organizacija Službeni list BiH; da nije bilo neblagovremenih ponuda; da je u skladu sa tačkom 5.12. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija za javne nabavke, izvršila provjeru računске ispravnosti ponude ponuđača Javno preduzeće novinsko izdavačka



organizacija Službeni list BiH, te konstatovala da u ponudi nije bilo računskih grešaka; da ponuđač Javno preduzeće novinsko izdavačka organizacija Službeni list BiH nije vršio ispravke u ponudi; da zaprimljena ponuda ponuđača Javno preduzeće novinsko izdavačka organizacija Službeni list BiH ispunjava kriterije za kvalifikaciju, odnosno ista je prihvatljiva u formalno-pravnom, ekonomskom i tehničkom smislu, ispunjava postavljene zahtjeve ugovornog organa definisane tenderskom dokumentacijom, ponuda ne prelazi planirana, odnosno osigurana novčana sredstva ugovornog organa za predmetnu nabavku, te je navedenom ponuđaču dozvoljeno dalje učešće u postupku javne nabavke.

Tenderskom dokumentacijom u tački 4.13 predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija se ne zakazuje.

Za ovaj postupak javne nabavke predviđeno je potpisivanje Okvirnog sporazuma sa jednim ponuđačem na iznos procijenjene vrijednosti LOT-a na period od 1 (jedne) godine.

Shodno naprijed navedenom, Okvirni sporazum se će se zaključiti na iznos od 8.000,00 KM bez PDV-a, a ukupna plaćanja bez PDV-a na osnovu svih ugovora sklopljenih na osnovu zaključenog Okvirnog sporazuma ne smiju prelaziti procijenjenu vrijednost nabavke LOT-a.

Komisija ugovornog organa, u skladu sa naprijed navedenim, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača Javno preduzeće novinsko izdavačka organizacija Službeni list BiH u predmetnom postupku javne nabavke.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema ove Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

*Prilog: Kopija Zapisnika o pregledu i ocjeni ponuda broj: 710/24 od 12.04.2024. godine.*

**JP „LOKOM“ d.o.o. Sarajevo**

**Direktor**

**Adnan Šabanović**

Dostavljeno:

1. Ponuđaču,
2. Službena stranica Preduzeća,
3. Komisiji za javne nabavke,
4. a/a.